



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESITSATFU (P3)**

**INDLOVULENKHULU/MASHI 2012**

**EMAMAKI: 100**

**SIKHATSI: 2½ ema-awa**

**Leliphepha linemakhasi lasi-5.**

**TICONDZISO KULABAHLOLWAKO**

1. Leliphepha lehlukaniswe TIGABA LETINTSATFU:  
SIGABA A: Indzaba (50)  
SIGABA B: Ematheksthi emibhalombiko lemidzana (30)  
SIGABA C: Ematheksthi lamafisha emibhalombiko/laticukatsilwati (20)
2. Phendvula MUNYE umbuto ESIGABENI A, MUNYE esigabeni B, NAMUNYE ESIGABENI C.
3. Bhala tonkhe timphendvulo ngeSiswati.
4. Cala LESO NALESO sigaba ekhasini LELISHA.
5. Hlela (Sib. libalavemcondvo, umdvwebo, ifuloshadi, njll.) uphindze uhlunge emaphutsa emsebenzini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dvweba umugca lovundlile etikweluhlaka nasewucedzile kuyibhala indzaba yakho.
7. Citsa lokungenani imizuzu lenge-80 ESIGABENI A, lenge-40 ESIGABENI B nalenge-30 ESIGABENI C.
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.  
CAPHELA: Sihloko asinganakwa nakubalwa linani lemagama.
10. Bhala ngebunono nangesandla lesifundzekako.

**SIGABA A: INDZABA****UMBUTO 1**

Bhala indzaba NGASINYE saletihloko letilandzelako ibe ngemagama langabi ngetulu kwala-390.

- 1.1 Tingoti temigwaco seticedze bantfu labanyenti emigwacweni yalelive, ikakhulukati ngakhisimusi. Bhala indzaba lapho uveta khona tintfo letingentiwa kugwema letingoti [50]
- 1.2 Salakutjelwa sibona ngemopho. Bhala indzaba lefakazela lesaga. [50]
- 1.3 Bhala umbono wakho mayelana nendlela bafundzi bemantfombatane lakhulelwe nalabo bebafana labakhulelisile lekufanele baphatfwe ngayo etikolweni. [50]
- 1.4 Chaza tindlela lusha lolungativikela ngato kulombulalave wengculazi lobhubhisa live. [50]
- 1.5 Bhala buhle nebubi betindzawo tekutijabulisa lesetente bantfwana besikolo baba ngumhlambi lotelusile. [50]
- 1.6 Chaza tindlela ummango losebentisa ngato bomakhalekhikhini etinsukwini talomuhla. [50]
- 1.7 Mhlazana uhlaselwa tigebengu. Bhala indzaba ngaloko lokwenteka ngalelo langa. [50]
- 1.8 Wake wahlala endzaweni lenjengalena lekulesibonwa. Bhala indzaba ngekutsi beyinjani imphilo yakho. [50]



[50]

**SAMBA SIGABA A: 50**

**SIGABA B: EMATHEKSTHI EMIBHALOMBIKO LEMIDZANA****UMBUTO 2**

Khetsa KUNYE kulokulandzelako ubhale ngako ngemagama langabi ngetulu kwala-120.

**2.1 INCWADZI LEYA KUMHLELI WELIPHEPHANDZABA**

Usakhamuti endzaweni letsite. Bhala incwadzi leya kumhleli weliphephandzaba lapho uncoma khona indlela sikolo salenzawo semabanga lasetulu lesiphatseke ngayo.

**[30]****2.2 UMLANDVOMUFI**

Kamakhelwane wakho bashonelwe ngugogo wabo Lomadloti Mkhathjwa. Wena ucelwe kwekutsi ubabhalele umlandvomufi njengobe bona baphishekile ngekwenta emalungiselelo ekumfihla. Baphindze bakunika yonkhe imininingwane ledzingekako ngemphilo yemufi. Wubhale-ke lomlandvomufi.

**[30]****2.3 I-ATHIKILI YELIPHEPHANDZABA**

Hulumende walelive ushaye umtsetfo wekukucedza nya kushaywa kwebafundzi etikolweni (indvuku). Wena njengemhleli weliphephandzaba, bhala i-athikili yeliphephandzaba ngalesihloko uvete wakho umbono.

**[30]****2.4 UMBIKO**

Sikolo sakho besihambile siye kulesinye kuyewudlala libhola letinyawo. Emva kwemdlalo labanye bafundzi badla emabele badzakwa basebayalwa kwagwazwa lomunye umfundzi. Wena njengalomunye walabo bebakhona kuleyo mphi ucelwe nguthishelanhloko kutsi ubhale umbiko ngalesehlakalo. Wubhale-ke lombiko.

**[30]****SAMBA SIGABA B: 30**

**SIGABA C: EMATHEKSTHI LAMAFISHA EMIBHALOMBIKO/LATICUKATSILWATI****UMBUTO 3**

Khetsa KUNYE kulokulandzelako ubhale ngako ngemagama langabi ngetulu kwala-100.

**3.1 LIKHADI LESIMEMO**

Dzadewenu lowelamana naye utawube ashada njengobe kuphela umnyaka nje. Batali bakho bakuvumele kutsi nawe umeme umngani wakho kwekutsi naye abe khona kulomcimbi. Bhala likhadi lesimemo lomema ngalo.

**[20]****3.2 SIKHANGISI**

Lamalanga sekubhoke kweswelakala kwemisebenti. Wena ugcine sewutivulela sikolo sakho sekucecesha bantfwana ekusebentiseni ikhompuyutha. Bhala sikhangisi, ukhangise lesikolo sakho.

**[20]****3.3 IDAYALI**

Bekunemcimbi wekuvalelisa bafundzi bakamatekuletjeni esikolweni lofundza kuso mhla tinge-25 kuKholwane 2011. Njengemfundzi wakamatekuletjeni nawe bewenta emalungiselelo ekuba yincenye yalomcimbi. Lokutilungiselela kwakho kwatsatsa tinsuku letisihlanu. Bhala idayali lekhombisa kutsi wentani ngaletinsuku letisihlanu. Kuloko lobewukuhlela bhala kube kubili ngelusuku.

**[20]**

**SAMBA SIGABA C: 20**  
**SAMBA SAKO KONKHE: 100**